




Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3292 4° (LN 1322 4° copy 2)





Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3292 4° (LN 1322 4° copy 2)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3292 4° (LN 1322 4° copy 2)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 3292 4° (LN 1322 4° copy 2)

N^o 3292.



M. Tindberg fecit



= LN 1322

ex. 2

Memoria

rch

ILLV

FORTISS

AC PRINCIPIS

NORVEGIÆ, D

TIÆ, STORA

COMITIS C

O

in Acad

An. c. Io. Io.

nataliti

M. NICCO

R

TYPIS

Memoriæ beatæ, virtutibus &
rebus præclare gestis

ILLVSTRISSIMI FORTISSIMIQUE HEROIS

AC PRINCIPIS, DN. ADOLPHI, HEREDIS
NORVEGIÆ, DUCIS SCHLESVICI, HOLSTÆ-
TIÆ, STORMARIÆ ET DITHMARSIAE,
COMITIS OLDENBURGI ET DEL-
MENHORSTÆ,

ORATIO,

scripta:

*Et in Academia Rostochiensi publice
An. c. l. l. XCVI. XXVI. Januarii,
natalitio hujus Herois die,
habita*

à

M. NICOLAO PETRAEO,
Hufano, Holsato.

ROSTOCHII,
TYPIS MYLIANDRINIS.

* Nota
supra
clausula
F. Pet
Med. Phil.

REVERENDISSIMO
ET ILLUSTRISSIMO PRINCIPI,

DN. IOANNI ADOLPHO, POSTULATO ARCHIE-
piscopo Bremensi, Episcopo Lubecensi, Heredi Norve-
giæ, Duci Schlesvici, Holstatiæ, Stormariæ & Dithmar-
siæ, Comiti in Oldenburg & Delmenhorst,
Dominò meo clementissimo perennem feli-
citatem precor.



*ORATIONEM HANC, CELSISSIME
Princeps, parenti tuo, & tibi scripsi. Parenti;
ut ipsius memoriam renovarem, virtutes &
res gestas celebrarem. Tibi; ut ob insignem
tuam, quâ me complecteris, clementiâ, grati animi mei
significationem hoc modo, cum alio non possem, declara-
rem. De obitu parentis tui non dixi; erat enim à propo-
sito meo alienum; cùm illum alio tempore, si vitam mihi
Deus concesserit incolumem, singulari oratione sim de-
ploraturus. ut autem hæc oratio Celsit: tuæ eo gratior ef-
set, publicè eam in celeberrimâ Rostochiensî Academiâ
in frequētî clarissimorum virorum & studiosæ iuvenutis
conventu XXVI. Jan. ipso die natalitio Parentis tui habui.
Tramitto igitur Celsi: Tuæ orationem istam; submissèq;
oro, ut C. T. clementi eam vultu suscipiat, & me in poste-
rum quoq; regiâ & innatâ suâ clementiâ amplectetur.
Rostochio XXVI. I. Jan: An: c. 1696. XCVI.*

C. T. Subjectissimus

M. Nicolaus Petreus, Husanus,
Holstarius.



RECTOR ACADEMIÆ
 ROSTOCHIENSIS
 HENRICVS CAMERARIVS
 Philosophiæ & J. u. Doctor &
 Professor.

Celestis dies, natalis est Illustrissimi fortissimiq; principis ac Herois, domini ADO LPHI, heredis Noruegiæ, Ducis Slesuici, Holsatiæ, Stormariæ & Dithmarsici, &c. laudatissimæ recordationis ac memoriæ. Natus enim is princeps & Heros fortissimus est Flenburgi Anno Christi 1526. VII. Kal. Febr. hora 11. min. 30. post meridiem. Quibus virtutibus fuerit præditus, quasq; res gesserit præclaras, nimis longum est hic referre, nec nostri instituti. Iuuenis stipendia meruit apud CAROLVM V. Imp. & obsidioni Merensi interfuit A. C. 1552. Dithmarsos, gentem pene invictam cum fratre IO HANNE & FRIDERICO II. patruele Rege subjugavit A. C. 1559. Militavit quoq; PHILIPPO Hispaniarum Regi in Belgico A. C. 1568. ac tandem Gottorpiæ corporis mortalis exuvias depositis in caelestem migravit aulam Kal. Octob. A. C. 1586. intra sextam & septimam matutinam, cum annos vixisset LX. menses octo, dies quatuor, horas septem, princeps magnanimus, summæq; tam bello quam pace spectatæ virtutis. Ejus laudes vir doctissimus ornatissimusq; M. NICOLAUS PETRÆUS Husanus Holsatus persecutus est oratione cruditißimâ & elegantissimâ. Quam cum à nobis pro officio, quo in præsentî fungimur, peteret, ut potestatem recitandi publicè crastino die, utpote qui principis & Heroi fortissimo natalis est, faceremus, hoc facile & nullo negotio impetravit, ac quidem merito. Prædicari quippe vita sanctos ac inprimis principes viros, qui Reipub. Christianæ præfuerunt ac profuerunt multū, atq; adeò ab iis, quos beneficiorum acceptorum memoriā conservare oportet, longè est æquisimum. Et quid utilius, quàm

proponere exempla maximè nobilia, à quibus non tantum, qui summa rerum gubernacula tenent, verum etiam alii inferioris ordinis capi- ant, sibi quod sit ex usu? Tacemus interim fructus hujus exercitati- onis dicendi infinitos. Id saltem affirmamus, eà solà ferè studiosos consequi, quicquid in studiis laudabile se adepturos sperant. Laudamus ergò & summoperè laudamus institutum M. NICOLAI PE- TRÆ I, qui ob beneficia accepta magnanimitè Heròis memoriam ce- lebrat etiam in hac Academià nostrà, ac hortamur omnes liberalium artium & linguarum alumnos, id ut intueantur non modò verum eti- am sequantur. Sed & orationis hujus recitationi ultrò & suà sponte reverendos & clarissimos dominos Professores Collegas nostros, reliquosq; Doctores & Magistros, ac studiosos adolescentes, qui dis- cendi cupidi sunt & virtutem amant, frequentissimos interfuturos certò nobis persuademus. Ac ut intersimus, hoc debemus non tantum lite- ris ac virtuti, doctissimoq; M. PETRÆ O, orationem recitanti: Verum imprimis memoriæ defuncti Principis ADOLPHI: De- bemus hoc reverendissimo & illustrissimo Principi JOHANNI ADOLPHO, Archiepiscopo Brcmensi, Episcopo Lubecensi, Hol- sarie Duci, &c. ADOLPHI filio optimo ad patris sceptrum jam se- denti, domino clementissimo: debemus deniq; hoc toti domui Holsaricæ illustrissimæ. Et nos imprimis majorem in modum predicamus summam clementiam & beneficentiam, quâ illustrissimus Princeps JOANNES ADOLPHUS in arce suâ Triton per Capi- taneum suum Dn. Nicolaum à Wische, Dn. Cancellarium Jonathan Gutsloff, utrumq; legum Doctorem eximium, & Dn. Decanum Lubecensem Ludovicum Pincier, nos unà cum collegâ Hildebrando à Saldern, paucos ante menses, ubi Cesareum expe- diebamus, mandatū & commissionē excepit. ac pro hac regiâ beneficentiâ ad gratitudinem perpetuam nos devinctos facemur. Quamobrem ut omnes Collegæ reliquiq; nostræ jurisdictioni subiecti cras ad horam IX. hîc nobiscum conveniant: & orationi elegantissimæ, laudibusq; defun- cti ADOLPHI, Principis & Heròis fortissimi, diligenter auscul- tent, summoperè ac vehementer eos invitamus & rogamus. Pro- positum Rostochii, VIII. Kal. Februa. qui conversioni D. Pauli jaceret. Anno M. D. XCVI.

ORATIO.



QVOD IN FREQUENTI ET publicâ hac coronâ, Magnifice D. Rector, Reverendi, clarissimi & eximii viri, Præceptores colendi, vosq; studiosissimi Juvenes, & auditores reliqui: quod, inquam, in frequenti & publicâ hac coronâ proferetur; si spectetis, a quo: vile & obscurum erit: si spectetis, de quo: amplum & illustre. Nam si me ob angustum annorum terminum, ob humilem ingenii cultum, ad hanc cathedram, & ad has voces non satis instructum, paratumq; esse judicaveritis, nō movebor: quin & vos insuper impense orabo, ut ad istud vestrum judicium adscribatis & meum. At si magnanimum Herôem ADOLPHUM beatæ & sanctæ recordationis, illustrissimum quondam HOLSATIÆ PRINCIPEM, dignum reputaveritis; cujus memoriam in hac cathedrâ renovem: cujus virtutes celebrem: cujus res præclare & fortiter gestas proponam; justitiæ oculos in vobis esse dicam: & illud ipsum quoq; ADOLPHI manibus enarrabo. Ego siquidem id præstare, non tantum ob ADOLPHI in patriam nostram merita, debeo: sed præterea ob Reverendissimi & Illustrissimi Principis, IOANNIS ADOLPHI, ADOLPHI filii optimi, filii sincerissimi, ad patris sceptrâ jam sedētis, in me beneficia, & insignem clemētiam, cogor & pertrahor, ut erga Celli: ipsius animi mei grati & memoris qualemcumq; significationem submisē declarē. Neq; verò quicquam, ut opinor, vitio mihi vertet, quod Principem jam defunctum, immortali tamen memoriâ dignissimum, ju-

B

-stis

stis extollo laudibus: cum & superioribus seculis, & hoc
præsenti plurimos eosq; præclaros viros idem suis prin-
cipibus, suis regibus præstitisse videamus, legamus.
Equidem, laudare optimum principem, ac per hoc po-
steris velut è speculâ lumen, quod sequantur, ostendere,
multum utilitatis habet, arrogantiae nihil. Ita judicant
omnes, qui de his talibus rectè judicât: quibus, quin vos
quoq; accensendi sitis, cur dubitem? Quocirca vos oro,
vos obtestor, ut me de fortissimo HEROE, ADOLPHO
HOLSATORUM quondam Principe, hoc ipsius natali
die, exiguo temporis spatio, ex iustâ in Principem incli-
tum & incomparabilem vestrâ affectione patienter & æ-
quanimenter audiat. Id, ut spero, gratum domui *Holsati-*
cæ; vobis dignum; mihi optatissimum eveniet. Dica-
mus ergò. Sed non de ADOLPHI abavis, proavis, at-
vis, patre, & aliis majoribus. quis enim illos non novit?
cui ignotus est avus paternus, ut reliquos præteream,
CHRISTIANVS I. Daniæ Rex? & hujus in regni ad-
ministratone dexteritas, pietas, & gloria quem latent?
quis est, cui FRIDERICI I. Daniæ Regis, patris opti-
mi, patris celsissimi, excelsa gravitas, & in rebus omni-
bus iustissima moderatio sint incognita? Sed non etiam
de fratribus: nam si de his dicendum, vox & tempus
me deficerent. Adspicite CHRISTIANVM III.
Daniæ Regem, & hujus ô miram pietatem! impensissi-
mum pacis studium, & regiam comitatem. Adspicite
JOANNEM Seniore Duce Holstatiæ, hujus clemen-
tiam, beneficentiam, & erga Scholas & Ecclesias ma-
gnam amorem. Quales quantiç illi Herôes! Deos è
coelo in terras descendisse, & tùm imperiorum in his or-
bibus administratione hominibus præfuisse dixeris.
Virtutes igitur ADOLPHI inspiciam, & ex magno re-
rum

rum fortiter ab illo gestarum cumulo, quasdam propo-
nam: utraq; verè celebrabo, utraq; admirabor: ut me-
moriā TANTI HEROIS renovemus; ut alii cogno-
scent; ut alii imitentur. Et prima virtus nobis meritò
PIETAS; in cuius scholâ cum à primis usq; annis fide-
liter educatus & institutus esset; fideliter quoq; ad ejus
normam per totum vitæ cursum ad extremum usq; hali-
tum vivebat: recto de DEO sensu, & recto in DEVM
cultu. quibus duobus Pietas constat firma & integra;
sine altero, mûtila & manca. Sēsu recto; cūm de DEO &
ejus voce rectè & constanter semper sentiret, piè cum
conjugē, liberis & consiliariis loqueretur. Recto cul-
tu; cūm eundem Deum ex verbo cognitum piè & purè
veneraretur; verbum ejus libens, lubensq; publicè, pri-
vatimq; à verbi ministris devotè audiret; juxta illud
omnes suas actiones institueret: sacrâ Domini cœnâ se-
pius magnâ animi humilitate uteretur. Ita totus optimus
Princeps pietatis semper studiosus erat. Videbat enim
diligenti experiētiâ edoctus sine hac nihil in humanis
stabile, nihil firmum: omnia retrò ferri, & mirabili Dei
manu disturbari. Videbat principes & reges plurimos
ob hujus contemptum, ob hujus neglectum, sæpè à Deo
punitos; sæpè in exilium ejectos; sæpè cum totâ stirpe
extinctos. Ita est. Vides paxillos, nisi benè fixi firmi-
ter alicui fortiori adhæreant, & omne quod in eis pen-
deat, citò dilabi, & ipsos solutos ob infirmiore ahhæsi-
onem cum oneribus ad terram proruere. Vides ita prin-
cipes, nisi DEO suo conditori pertinaciter adhæserint,
& ipsos, & omnes, qui eis consentiant, citò deperire.
Liberos etiam suos ob ista ad hanc Divam duci, in hujus
Lycéo sanctè informari & erudiri unicè volebat, acriter
studebat. Amabat & colebat verbi ministros; eorundem

admonitiones patientissimè audiebat, perpetuò seque-
batur. Monebat, ut functionibus suis verâ fide & san-
ctitate præessent, plebemq; suæ fidei commissam gnavi-
ter informarent, & rectâ viâ ad cœlestem patriam duce-
rent. Loquebatur sæpè cum illis perhumaniter: mune-
ribus & clementiâ singulari, suam erga illos propensam
voluntatem declarabat: magno & forti animo defen-
debat. Quin & in totâ suâ ditione à D. Luthero repur-
gatam & Augustanâ confessione conscriptam de DEO
& hujus voluntate doctrinam summo conatu promo-
vebat, perpetuâ constantiâ tutabatur. Scholas & harum
gubernationem inspiciebat: rectè regi volebat: pueriti-
am in pietate & honestis moribus legitimè institui & e-
ducari mandabat. Scholarum ministros stipendiis ho-
nificis ornabat, & illustri clementiâ prosequabatur.
Quibus omnibus suis liberis, aliisq; principibus exem-
plum præbere, & calcar ad similia facienda addere stu-
debat. Equidem cùm huic virtuti, ut aliarum omnium
fundamento & basi tam seriò sese daret, hoc indè conse-
quebatur; ut Deum semper benignissimum, sui & suo-
rum in omnibus consiliis, actionibus & periculis habe-
ret protectorè; ut omnium oculos in sui admirationem
converteret. Ita etiam erigebatur, ut omnes vitæ humanæ
adversitates fortè ingruentes, ut multæ sæpè in his angu-
stiis ingruunt, alacri & constanti animo, vel contemneret,
vel perferret: nam ut in mari ventis ex adverso inter se
cōcurrentibus, mediâq; naviculam, dum inter sese depu-
gnant, corripientibus, ac multis fluctibus partim à pro-
râ, partim à puppi insurgentibus, gubernator clavo âssi-
dens, servat naviculam, undarum fluctuumq; incursum
gubernandi peritiâ & prudentiâ depellens: ita hic heros
adver-

adversæ fortunæ telis & ludibriis non per aliquot dies,
sed per totam vitam, pietate solidâ instructus, piè resi-
stebat, eademq; animo præstanti perferendo, sese suppri-
mi non patiebatur. Ita beat hæc virtus suos cultores: ita
instruit: ita sustentat. Veneremur igitur & nos hujus ve-
stigia. veneremur? imò & adoremus: ut nos & nostros
DEVS protegat: ut variis vitæ hujus calamitatibus non
succumbamus; sed animū nostrum istā tamquam alexi-
pharmaco adversus omnes fortunæ procellas & turbines
muniamus, roboremus. At, proh dolor, quocumq; fle-
ctamus oculos, impietas: quocumq; flectamus mentem,
impietas. Id deplemns. Cum verò PIETATE & JUSTI-
TIA Principes DEOS in his terris fieri intelligeret; ISTAM
quoq; omni studio observabat: eo magis; quod etiā per-
spiceret, istius luce absente, & principatum suum non il-
luminante, nimbos & tenebras adventuras. Sciebat hac
ademptā regna nihil esse aliud, quàm magna latrocinia:
quæ ut numquàm in suā provinciā exerceri pateretur,
hanc colebat. Administrator & exsequutor JUSTI-
TIÆ erat; sed non pro suo lubitu; sed pro legum mo-
nitis; cum & seipsum legibus subiectum esse statueret.
Unde & istas sanctè & inviolatè, ut ditionis suæ fulcra
& asyla, servari mandabat: his enim sublati omnia re-
gna corruere, omnia ex sese miserè perire, videbat.
Rectè. quòd enim homo sine ratione aut animâ, id re-
gnum sine legibus. Imò has ipsas sæpius legebat & re-
legebat, ut in illis nihil inveniretur, nisi quòd ad duc-
tus sui utilitatem, cujus causâ conscriptæ essent, rectè
promovendam, conduceret. ô quàm pulchrè! si enim
ex medicinâ nihil oportet proficisci, nisi quòd ad corpo-
ris, cujus causâ instituta & inventa, utilitatem spectet:

quantò magis id in legibus observandum; quibus regna
& imperia tota regenda & corrigenda. Causas actoresq; frequenter ipse audiebat; ita, ut accusatori & alteram, defensori alteram aurem præberet. Iræ adfectibusq; incautis dijudicandis non indulgebat; sed legum semper justitiæq; præcepta spectabat. Personarum vel gravitatem, vel auctoritatem, vel opes, vel ætatem non considerans, ut sol non est alius diviti, alius pauperi; sed omnibus communis; ita unus & idem erat egeno & opulento: imò omnibus idem. Ob magnorum virorum preces & intercessionem rarissimè reis vitam donabat. Munera contemnebat. Nemini nocebat, nisi lacepsitus: sed & tùm lentè ad nodum; semper consultò & meditè. Sontes & reos poenis suppliciiisq; plestebat; inson-tes liberabat, defendebat, erigebat; malorum omnium osor acerrimus; bonorum amator clementissimus. Talis; non intra quinque annos uno tantum die, ut illi olim in certaminibus olympicis, sed per omnem vitam, in omnibus suis actionibus, in omnibus suis judiciis.

Hæc est vera justitiæ norma; hæc sana regula: ad quam & se & suos dirigebat. Illos verò, quos muneribus capi; quos justitiæ præcepta fallere; quos inson-tes premere, & personarum respectum in judiciis habere videbat, non tantum ad faciem suam non admittebat, sed sæpè etiam ab officio remotos puniebat. Hæc mirentur & magnifaciant illi, qui magnum illum justitiæ splendorem magnifaciunt & admirantur. O vitam admirandam! ô vitæ viam semper terendam! ô actiones semper imitandas, perpetuâ laude celebrandas! nec injuriâ. nam & in vulgari & plebeio homine justitiæ faciem, justitiæ fulgorem, & facta, quis est qui non laudet? qui non miretur? Cur non igitur in tanto quoq; Herôe, in tanto
Prin-

Principe? Non tamen in hac justitiæ administratione erat Rhadamantus, non Minos: Sed Agefilaus & Aristides, nec leges suas sanguine scribebat, ut Draco; sed atramento, ut Solon.

Erat justitiæ cultor; sed & CLEMENTIÆ; virtutis homini omnium virtutum convenientissimæ, & humanissimæ: at nulli tamen ex omnibus magis, quàm regi; quàm principi competentis.

Crudelis non erat: sævus non erat: tyrannus non erat: clemens erat: mansuetus erat. Noverat humanam conditionem: omnes labi & peccare, quâ privatim, quâ publicè; neq; ullam legem tam validam esse, quæ hæc tolleret: nec reges; nec imperatores ipsos; nec sanctissimos quosq; sine peccato, sine errore vivere. Videbat severitatem nimiam assiduitate amittere auctoritatem: videbat sæpius vindicata, sæpius committi sævitiam plus timoris, quàm potentiæ addere: videbat terrore venerationem malè acquiri, longeq; valentioram amorem ad obtinendum, quod veller, quàm timorem: videbat crudelia & tyrannica imperia magis esse acerba, quàm diuturna: neminem à multis metuendum esse, quin ex multis ad eum formido recidat: videbat crudellem, bellum æternum & anceps gerere, neq; adversus, neq; ab tergo, neq; à lateribus tutum esse; sed semper in metu, aut periculo agitare: videbat potentiam sine clementiâ esse meram tyrannidem: nullâq; re homines ad Deum propius accedere, quàm salutem hominibus dandâ. Reflecebat oculos ad priora sæcula, quibus videbat clementiâ imperia temperantibus candida & læta omnia fuisse: etiam hostes æquiores, quàm alii cives. Hæc perspiciebat. Et considerabat summum jus, summam esse crucem; ideoq; temperabat; ideoq; mitigabat: noxios interdum eripiebat; afflictis parcebat; lapsos erigebat; & serva-

servatum ibat eos ipsos, qui se erant perdituri. Imitabatur bonos agricolas: imitabatur bonos musicos. Illi non tantum rectas bonasque arbores colunt, sed illis quoque, quas aliqua depravavit causa, adminicula & pedamenta, quibus reguntur, subministrant: alias circumcidunt, ne proceritatem rami premant: quasdam infirmas vitio loci, nutriunt: quibusdam alienam umbram laborantibus coelum aperiunt. Isti chordas dissonantes non statim abjiciunt atque incidunt, sed sensim intendentes aut remittentes ad harmoniam & concentum adducunt. Hic item Princeps non tantum bonos probosque defendebat: sed & errantes & peccantes in viam reductos, suam auctoritate corripiebat: nec hos statim ferro flammamve tollebat, sed emendabiles leniter emendabat. Ostendebat omnibus, se subditorum suorum non Dominum, sed Principem; civium liberorumque, non servorum, rectorem, & patrem esse. Hac sibi omnia conciliabat; amorem cum primis subditorum; atque ex hoc non exiguam in principatu suo securitatem. Quis enim ignorat, nec excubias diligentissimas; nec tela circumstantia; nec decies mille catapultas aut arietes; nec centies mille tormenta; nec muros Babylonios, sic regna & reges tutari; quam amorem? Frangant hostes cetera vi & fraude: haec arx inaccessa: hoc inexpugnabile munimentum, munimento non egere: amore communium esse; securitate posse frui, posse uti. Hac sibi conciliabat subditorum obedientiam: & ex hac principatus sui stabilem & immotam firmitudinem. Cui enim non est apertum, firmissimum & aeternum fere imperium esse; in quo obedientes gaudent? cui item non liquet, invisa imperia neminem retinere diu? omnia talia citò collabescere, & in chaos ruere? quod posterius ne in suum
duca.

ducatum caderet, clementiâ cunctos amplexabatur. Sed
certè cum iudicio. Sine quo quid aliud clementia, quam
lentitudo? quam peccatum? quam flagitium? Secedebat
paululum à summo iustitiæ rigore: sed secedebat; non
discedebat. clemens erat, & tamen iustus. iustus erat,
& tamen clemens. Clemens totus non erat; ne omnia
jura everteret; ne pacatam vitæ societatem tyrannidi &
latrocinis cuiusvis subiceret; ne sanctas & venerandas
à tam illustribus maioribus pro iustitiâ datas & prolatas
leges, aboleret; ne turpitudinis & vitiorum colluviei
fenestras aperiret. iustus totus non erat; ne pestem &
perniciem suæ ditioni inferret; ne tyrannidem in suos
cives exerceret; ne ducatus sui muros, Amorem & Obe-
dientiam, dirueret. iustus igitur erat & clemens. Trans-
grediebatur interdum, ad clementiæ commodum, iusti-
tiæ & æquitatis terminos: sed cautè; sed consultò; sed
magnas ob causas. Id laudandum. Non omnia, quæ
sciebat, omnia vindicabat: parvis peccatis veniam,
magnis severitatem commodabat: non poenâ semper;
sed sæpius poenitentia & lacrumis contentus erat. Ô
principem omni laude; ô æterno nomine dignissimum!
quod si quis negaverit, bruta animantia advocabo, ut
hunc conculcent; ut illud adseverent. Nos probemus.
Ex iustitiæ stirpe in ADOLPHO FIDES pullulabat;
imò radices altissimas agebat. quam semper suis datam
fidè sancteq; servabat: imò & hosti datam servabat, san-
ctamq; habebat, tam privatim, quàm publicè. Hac
maximè Romani aliarumq; gentium majorum rectores
suam rempublicam continuerunt, firmarunt; hac item
suam, HIC HEROS. Hanc in Capitolio vicinam jo-
vis optimi maximi, Romani esse voluerunt: hanc item
Princeps noster in animo suo iustitiæ adsidere. Hanc,

C

cum

cūm perspiceret humani generis esse columen; & omnes
virtutes ab hac, si sanctē colatur, ut sidera à sole, fulgē-
re: & sine hac omnes alias herōum virtutes obscurio-
res fieri; sanctē colebat. Cui enim unquam ille fidem
non servavit? cui istam speratam excussit? non etiam
perfidis: cūm perfidiosum & nefarium duceret, hanc
frangere, hanc contaminare. Ex clementiæ porrō stir-
pe efflorescebat in animo ADOLPHI MODESTIA,
lenis mitisq; animi assidua comes; cum aliis virtutibus
hominibus omnibus commendanda; sed maxime prin-
cipibus. quid enim isti & illi omnes aliud sunt, quam ci-
nis? quā pulvis? quā terra spiritu vivida? de cujus
māfione cum ne ad momētum quidem certi esse possint;
heu mihi, in quā fragili & infirmo statu versantur! ho-
diē sceptris, coronā, gladio, auro, gemmisq; ornati & one-
rati ingrediuntur: cras, abente spiritu, linteis involuti,
tumbæq; impositi, in cineres, in pulverem vertuntur.
Hæc excitabant nostrum principem ad modestiam.
quam calidē satis exercebat: perspectum enim cogni-
tumq; habebat, famam hujus neq; summis mortalium
aspernandam; & à Deo æstimari. Sciebat omnia ca-
duca, incerta & fragilia: opes & vires humanas pueri-
libus crepundiis consentaneas: sceptra & fasces regna
non continere. ob hæc numquam insolescebat; num-
quam efferebatur: sed non minis hominem se, quā
hominibus præesse agnoscebat. subditorum suorum non
tantum animis, sed & oculis serviebat. Sermo mode-
stus. cultus modestus: statuebat enim multò pulchritis,
magisq; regium, animum præferre cultum & compo-
situm, quā corporis vestem. Fortunam lubri-
cam esse, noverat, nec invitam teneri posse: unde
manibus eam pressis continens, felicitati suæ frenos
impo-

imponerebat, ut facilius eam regeret. Modestiam sic colebat; sed tamen, ut par erat, cum AUCTORITATE, cum MAIESTATE: non erat perpetuò in vulgi conspectu; ne hac satietate minùs se verendum faceret. Modestus; at etiam Magnificus: visu profectò & auditu juxta venerabilis.

Fastum, superbiam, & his infectos non tantum odio prosequabatur, sed etiam inter suos & in suis non patiebatur. Ex modestiâ insignis ADOLPHI profuebat COMITAS, & HUMANITAS. Loquebatur cum nobilibus; humanus erat: loquebatur cum civibus; humanus erat: loquebatur cum rusticis; humanus erat: loquebatur cum divitibus, cum pauperibus, cum eruditis; erga omnes comis & humanus. His multa tollebat; multa corripiebat; quæ alii neq; securi, neq; forcipibus correxissent: intelligebat enim nec ferrum ignitum aquæ injectum, tam citò posse extinguì, quàm hominum animos devios & inflammatos, humanitate admotâ emolliri. Comis erat; sed cum GRAVITATE: ut hac etiam suam apud subditos auctoritatem adfereret. Quid dicam de ipsius LIBERALITATE? de ipsius MAGNIFICENTIA? quam utranq; persæpè declarabat: numquam ostentabat. Illam; cum nihil hominis naturæ videret esse accommodatius: regaliusq; cum Artaxerxe Longimano addere, quàm adimere judicaret. Liberalis erat; sed cum mente; quâ semper personarum, quibus dabat, circumstantias & conditiones perpendebat: & cum modo; ne nimis hauriendo fontem ipsum exhauriret. Et illam ipsam exercebat, non inanis gloriæ, sed solius honestatis & virtutis studio: ut honestam de se famam propagaret; ut benevolentiam civium suorum sibi conciliaret; ut inopiam pauperum sublevaret. C 2 Istam

Istam, quis est, qui non novit? Inspiciat scholas ab illo erectas & sustentatas: inspiciat monumenta majoribus posita & dicata: inspiciat arces filiis exaedificatas: inspiciat: & mirabitur.

IN AFFECTIBUS MODERANDIS DEUS bone, quam moderatus ille erat! iræ numquam, nisi ubi conveniebat, locum dabat, sed semper suppresserat; tantoperè, ut ne in ministros & servos quidem animadvertere voluerit commotior: idq; ideò, ut animi sui fortitudinem privatim etiam singulis declararet: quod sciret, fortius esse, istam superare, quam hostem in pantiplia stantem dejicere: & non minus exitii mortalibus ab irâ fieri, quam ab hoste. Numquam in illo oculi truces; numquam in illo os turbidum & immanis clamor; numquam rubor effervescent; numquam pudenda & poenitenda verba; numquam irrepidatio. Vindictam de calumniatoribus non sumebat; sed eos tolerabat & ridebat: imò cum Antigono Macedonum rege: patientiâ regiâ confundebat. Convitia spernebat levia; quòd putaret in gente liberâ, liberas etiam aliquo modo linguas esse debere. Placidus erat atq; tranquillus; & injurias atq; offensiones privatas superne despiciebat. Spernebat convitia; ne, si secus faceret, agnita viderentur. Spernebat, ut spreta exolescerent. Ita in magnâ suâ fortunâ magnum quoq; habebat animum. FAMÆ non exiguam rationem habebat; cum omnes principum actiones, omniaq; consilia ad hanc præcipuè dirigenda, cognosceret. Unde mirifico flagrabat studio, ut posteritati honestam sui memoriâ & celebrationem relinqueret; & post mortem quoq; viveret; floreret. Ad hunc finem litteras & litterarum cultores amabat, promovebat; eisq; spiritum & sanguinem addebat. Et litteras:

ab

ab eo impensè amatas fuisse, eo apertum argumento;
quòd duos filios suos natu maiores FRIDERICUM &
PHILIPPUM sanctæ recordationis; non tantum in si-
nu suo diligentissimè institui & erudiri curabat; sed eti-
am, quod eosdem ipse, post percepta ab illis litterarum
rudimenta, ad prima comitia à Rudolpho Imperatore
Augustæ indicta profecturus, in celeberrimam Acade-
miam Heidelbergensem ad uberiorem ingenii cultum
capescendum perducebat; ibiq; eos cum egregio Holst-
ricorum nobilium comitatu, & clarissimo præceptore
Antonio Caucio per biennium ferè, haud exiguo sum-
ptu versari; & certis postea de causis ad Argentoraten-
sem Academiam commigrare; inibiq; aliquandiu suis
studiis operam impendere; volebat: quod & fecerunt:
in utrâq; Academiâ isto studio, ut vterq; non tantum La-
tinam, Græcam & Gallicam linguam satis feliciter cal-
luerit; sed etiam animum suum assiduâ & diligentissi-
mâ historiarum lectione, & ex hac rerum memorabili-
um in orbe passim gestarum exemplis excoluerit, in-
struxerit. quibus ita magnanimus parens ADOLPHUS
delectabatur, ut haud obscure omnes docti ipsius in bo-
nas litteras amorem indè perspicerent. Nec jam profec-
tam, quot sumptibus cænobium Bordesholmianum, &
certos in Academiis stipendiarios quotannis sustentârît:
nota enim illa & aperta. Sed, ut progrediamur; quid di-
cam de singulari ipsius in rebus deliberandis & agendis
PRUDENTIA? quid dicam? parum hic rectè ob scopum. at
multum meritò: ut enim Cyclops apud Homerum
oculo ab Ulyssè privatus, manus quoquo versum, nullo
certo scopo, porrigebat: ita Princeps, cui desit pruden-
tia; quidvis aggreditur, ingenti quidem rerum tumultu;
sed nullo iudicio. Contra. ut; spirantibus Etesis,

mare tranquillum & pacatum: ita in principe, prudentia regnante, omnia tranquilla & florentia. Et certe omnia imperia sine hac non tantum infirma; sed fere nulla: cum hac non tantum firma; sed vera quoque & clara. Id huic HEROI quoque notum: unde vim & potentiam suam temperabat hac prudentie inmixtura: sine qua omnis potentia abit in noxam & perniciem. Et quia videbat omnem rationem & institutionem vitae adjumenta hominum desiderare; praecipue verò Gubernatoriam; nec principem suam scientiam cuncta posse complecti: nec unius mentem tantae molis esse capacem: nec tot & tantos principum labores posse carere adminiculis: nec unum omnia audire; nec unum omnia videre: nec eminentes viros umquam imperium suum sine adiutoribus administrasse; de sua unius sententia numquam omnia gerebat; sed amicos & consiliarios in consilium assumebat. non autem quosvis; sed fidos, probos & prudentes; auctoritate, eruditione & iudicio senes; usu & experientia rerum instructos: semper istos; quos ad Lydium virtutum lapidem ipse tetigisset. Cum his consultabat & deliberabat: ita, ut eorum consilia & monita caute & prudenter audiret. si bona; sequeretur: si mala; vitaret: si ambigua; inquireret. Ubi tamen semper ferè cum Marco Antonio imperatore æquius esse existimabat, ut ipse tot taliumque amicorum consilium sequeretur, quam tot talesque amici suam unius voluntatem. Redigebat subditos ad obedientiam: non vi, sed leni hoc prudentiae freno. Hujus auspiciis plura, quam telis & manibus gerebat: multa naturam impedita expediebat. implexa verò nimisque ardua DEO soli committebat. Verba aule blandientia numquam audiebat: occulta & familiaria consilia, ut dignitatem nullam habentia, negligebat.

In con-

In conjugio cum conjuge suâ CHRISTINA verè
christianâ heroinâ PHILIPPI illustrissimi LANDGRA-
VII HASSIÆ filiâ indissolubili & inculpabili amoris,
pietatis, castitatis, & aliarum virtutum conjugium ne-
xu semper vivebat. quæ ipsi quoq; præter filias, quinq;
filios peperit Inter quos, CHRISTIANO ante patrem,
FRIDERICO & PHILIPPO post patrem fato nimis
maturo ex hac mortalitate ereptis, IOANNE S ADOL-
PHUS Archiepiscopus Bremensis, Episcopus Lubecen-
sis, Dux Holstatiæ, &c. ad patris sui magnanimi Herôis
gubernacula hodiè residens, magnâ pietate, justitiâ, au-
thoritate, amore erga litteras & litteratos, & aliis regis
virtutibus summâ cum laude patrem suum ADOL-
PHUM verè refert. jam tandem FORTITUDINIS,
MAGNANIMITATIS, ET RERUM AB ADOLPHO
GESTARUM campum ingrediamur: verè campum.
quis enim umquam de his latiss copiosè, satis graviter,
satis digne dixerit? taceat Demosthenes; taceat Cicero:
nam hi ipsi quoq; pro verâ harum dignitate non satis ef-
fent dicturi, si viverent: nedum nos. Non ergò dicemus;
sed recensebimus: non omnia; quæ enim hæc hora & hæc
papyrus omnia caperet? sed quædam; nec fusè; sed stri-
ctè. Audiamus. A primis statim annis satis clarè in eo he-
roicus et magnanimus elucebat animus: ad magna et cel-
sa natus; ad militiæ studia pronus. Oculi ardentes: facies
gravis & severa: statura erecta & regia: vox clara & sta-
bilis. quis ex his non magna sibi promississet? promise-
runt sibi multi: nec vanè. Nam sub primæ juventutis sue
flexu & cursu, ut viam testâdis heroicis animi virtutibus
in illustri loco latiore aperiret, sese in aulam Caroli V.
Romanoꝝ imperatoris potētissimi cōferebat: ibiq; stre-
nuè, maximâq; cū laude, maxima item cum admiratione mili-

militabat: exteri ipsum suspiciebant: familiares venerabantur. Tot in eo virtutum regiarum lumina accensa videbantur. In castris Metensibus vidisses Achillem aut Hectorem in pugna; verius ipsum Martem: Nestorem aut Ulyssem in consiliis: Marium aut Scipionem in adhortationibus ad milites. quis enim ibi in rebus dubiis & lapsantibus fortitudinem & magnanimitatem ejus non est expertus? quis non ejus in agendo industriam cognovit? cui non celeritas ipsius in conficiendo profuit? Vos id novistis, o tribunorum, signiferorum & militum manes! qui cum eo, & sub eo isti militie dediti eratis. Tu quoque CAROLE Imperator, optime istud noveras. quis enim aliter judicet qui consideret tuum amore; quo eum complectebaris: qui adspiciat tua premia; quibus eum ornabas: qui multa alia repetat; quibus eum honorabas. Et audeo adfirmare, magnam laudis partem rerum a TE isto tempore gestarum ad ADOLPHUM pertinere: cum id tuus etiam filius PHILIPPUS Hispaniarum Rex haud obscure adfirmarit; eo argumento & signo; quod magnanimum hunc aeternae recordationis herodem ad belli difficilis & diuturni in Belgia societatem, regis & magnificis saepius promissis, & humanissimis litteris invitavit, vocavit.

Non jam memorabo quam fortiter sese in spectaculis & certaminibus publicis certando gesserit. jacete ephippiati equites, comites, barones in pulvere, ab hoc HERÔE ex ephippiis elevati, detrusi. jacete; & mementote vos ab ADOLPHO victos & superatos. Gaudete autem, quod non a vulgari, sed a TANTO HERÔE victi. In hac CAROLI aulâ cum clades majorum suorum a Dithmarsis olim acceptas aliquoties sibi objectas audivisset: ex istâ ad suos reversus, quâ ratione ma-

ne magnas illas & nefandas injurias majoribus suis illatas vindicaret; insolentis & præfracti populi veteres etiam injurias novis indies accumulantis ferociam compesceret; & Dithmarsis rebellibus bellum commodè & feliciter inferret, consilia in animo agitabat.

Neq; diu differebat; sed **C H R I S T I A N O III.** Daniæ rege, fratre natu majore, qui hætenus pacis & quietis studio à bellicis tumultibus & lituis abhorrens dissuaserat, ex hac vitâ sublato, statim, conscriptis clam militibus, & deinde communicato cum **F R I D E R I C O II.** Daniæ rege designato fratris filio, & fratre **I O A N N E** Seniore consilio, & iisdem in auxilium vocatis, forti & imperterritio animo bellum Dithmarsis more bellico per litteras tribus sigillis, regis ducumq; obsignatas & ad bacelli candidi cuspidem suspensas, denunçiabat, & tertio post die continuò exercitum in hostium fines perducebat. Sæpius Dithmarsii, naturâ fortes & bellicosi, pro barbarâ suâ libertate fortissimè pugnant; & felicissimè: tantâ etiam audaciâ, ut aliquoties in summas angustias redacti & penè deleti, animis tamen receptis furore & insaniâ quasi agitati prælium renovarint, & victi victoriam à victoribus contra omnem spem & expectationem reportârint. Nam, ut taceam alias victorias: quis non novit **H E N R I C U M** Holsatiæ ac Stormariæ, & **I O A N N E M** Vagriæ comites à Dithmarsis prælio superatos, & maximâ suorum parte profigatâ, cum paucissimis cruentâ fugâ hostium manibus sese eripuisse, & vitæ consuluisse? Cui non conitat **GERHARDUM** & **I O A N N E M** comites Holsatiæ cum quatuordecim extraneis ducibus in auxilium à se evocatis, victores jam, & aliquot mille Dithmarsorum cæsis, à victis in sacram ædem licoactis, & jam igne in eadem comburendis, sed ob præ-

D lens

senſe exitium, & miſerabile mortis genus in deſperationem adactis, & furenti impetu ex æde illâ per ignem circumjectum in hoſtem proruentibus, aliſq; ex ſoſſis hinc inde, notisq; latibulis in auxilium venientibus, debellatos? duobusq; millibus militum, & duodecim ducibus interfectis, GERHARDUM & HENRICUM MEGAPOLENSEM cum paucis aliis vix incolumes elapſos? Quem item later exercitus IOANNIS DANICÆ REGIS, & FRIDERICI fratris PRINCIPIS Holſatiæ miſerrima clades? quis enumerabit aut deplorabit ſatis tot equitum nobiliumq; fortisſimorum à Dithmarſis caſorum ſtrages? quis item ſatis crudeliter Dithmarſorum contra omnium penè gentium conſuetudinem & mores, infandam immanitatem depinget? quâ tot heroum corpora, nullo quantumvis magno oblato argenti auriq; pondere redimi, ſed feris alitibusq; in prædam relinqui & ſub dio per agros in ſoſſis lacunisq; inſepulta jacere & computeſcere voluerunt. Has dedecoris notas non tantum ſuis majoribus, ſed uniuerſæ quoq; genti Cimbricæ iniuſtas ADOLPHUS juſtiſſimo dolore motus abſtergere, & ſuâ fortitudine ſuisq; armis vindicare tentabat. Exercitu igitur jam ad fines hoſtium perducto: ſtatim ADOLPHUS heroicam animi ſui fortitudinem & magnanimitatem; in militiâ ſingularem experientiam; in patriam incredibilem amorem, omnibus probabat: nam milites ipſos ad fortitudinem & conſtantiam in pugnâ horrabatur: ſæpiùs eorum acies diſpoſitas inſpectabat: ſæpiùs auctoritate ſuâ continebat: & omnium animos ſuâ prudentiâ & in rebus bellicis indiſtriâ ad prælia cum hoſtibus committēda alacerrimos efficiebat. Ubiq; ſerè præſens erat; cū ſciret, ſtrenui ducis præſentiam ad victoriam plurimum momenti habere. Nec id tantum; ſed etiam fugientes retrahebat; hoſtes invadendos.

dos & persequendos, non vitandos & fugiendos esse
proclamabat; vitamq; suā certissimo objiciebat periculo.
Is eras ADOLPHI animus: ea pro suis cura. Cajum Iuliū
Cæsarem mihi magnificè & verè laudant historici; quòd
in prælio quodam Martiæ legionis Aquiliferum jam ad
fugam conversum, faucibus apprehensum in contrariam
retraxerit partem, dextrâq; ad hostem porrectâ, eidem
dixerit; quorsum tu abis? illic sunt, cum quibus dimica-
mus: & sic in hoc uno vinci paratos, vincere docuerit. in
hoc bello simile facinus commisit ADOLPHUS; sed impetu
majori, & vehementioribus verbis. Nam cum ad HEI-
DAM opidum Dithmarsiæ de summâ rei atrox committe-
retur præliū, & quidam Dithmarsii tres signiferos, quum
quarto suum vexillum eripuissent, cum sociis in fugam
converterent, ADOLPHUS id conspicatus, heroicâ animi
fortitudine motus, à colliculo, ad quem non procul inde
subsistebat, cum paucis, quos ad corporis custodiam jux-
ta se habebat, eò celerrimè properat; manu signiferos
corripit, utq; in hostem sese convertant, inclamat; in ista
prorumpens verba: an vos signiferi atq; milites, viros
armis exercitatos & militiæ semper deditos, tam paucis
hostibus & militiæ ignaris, imò undiq; conclusis, & jam
propè victis, tam turpiter terga præbere nō pudet? Estote
memores honoris & existimationis vestræ; sustite fugā;
signa in hostes semivictos convertite & pugnate. Et quia
præcedētibus diebus minus obsequiosi fuerant; addebat
& ista. Vultis novo dedecore & ignominia culpā, quam
dudū haud levem, in itinere progredi tergiversantes com-
misistis, accumulare & exulcerare? fortiter & intrepidè
audendo gressus reflectite, si noxæ pristinæ & injuriæ
memoriam abolere & extinguere cupitis. Quod si fece-
ritis, facite autem, si levi do vobis, quæcumq; nocte
quoq; præterlapsa minus obsequenter minusq; rectè

à vobis sunt perpetrata, condonata vobis omnia & oblivione perenni obtrita & oblitterata esse debere. Fulmina ista erant, non verba; quorum vi, illi conversi hostibus ora vultusque prebuerunt. De Sylla quoque facinus pulcherrimum celebratur. Cum apud Orchomenum milites longius evagarentur, ordinibusque perturbatis fugam caperent, ille ex equo desiliens, arrepto vexillo in hostem convolat, ita vociferans: Mihi quidem, ô Romani milites, hic pulchrum est mori: vos interrogati, quo loco ducem vestrum amiseritis, memineritis dicere, apud Orchomenum. quâ voce suos revocavit. Hic item Heros simile perpetravit: non eadem lineâ, non iisdem verbis, sed eadem notâ: at majori cum periculo; imò & cum vitæ jacturâ. Nam ut signiferos militesque jam vicissim in hostem ruentes acrius incitaret; ipse prioribus verbis vix prolatis, incitato stimulis equo, in globum agrestium perrumpit, & unum cum primis glânde iclopeto breviori impulsâ petit trajicitque. Is, vulnere haud tardante, avido vicissim & rabioso impetu insurgens in Ducem, omnibus armis, ob defatigationem ex itinere longinquo contractam, & ob anni tempus admodum æstuosum, planè exutum, in dorso supra coxendicem, quâ spinæ conjungitur, alapardâ graviter eum vulnerat: sed graviter tantum: nam cum videret agrestem illum furenti & exacerbato ad vindictam animo in sese procurrere, aversum propè latus equi paululum se incurvans demiterat. quod nisi fecisset, lethaliter inibi ab eodè fuisset confossus. Cum autem reliqui milites contra voluntatem etiam ADOLPHI istud persentiscerent, confestim flagranti animo, quamvis continuo vitæ laborare defatigati & æstu intolerabili omnes vehementer lassi, antea ne pedem ex loco movere voluissent, in agrestes

irru-

irru-
nus:
acce
redd
mag
qua
losa
corp
per
tem
scera
ob v
lauc
H u
enit
tem
vite
exe
filia
cel
pro
cæ
à p
in
Dit
one
in
cor
ten
tis
no
cor

irruunt, & universos internecioni dedunt. Equidem vul-
 nus adeò durum & immitte erat, ut ex patenti ejus hiatu
 acceptum per os spiritum MAGNUS ILLE HEROS
 redderet. Hæc fortitudo, si quæ alia: hæc heroicæ &
 magnanimæ mentis specimina, ô quam præclara; ô
 quam pulchra! si virtutem spectes: sed ô quam pericu-
 losa! si grave illud vulnus. Videte, videte tanti principis
 corpus laceratum: videte perforatum: videte spiritum
 per hiatum violentum & sanguine maculatum exeun-
 tem: videte pulmonem nativo spiritu privatum & vi-
 scera aperta: aperta ob suorum salutem: ob virtutem:
 ob victoriæ gloriam. Laudate mihi Iulium Cæsarem;
 laudate mihi Syllam: at HUNC mihi PRINCIPEM,
 HUNC HEROEM honorate: hoc præsertim ævo. quis
 enim talia jam faciat? imò quis audeat? Quamvis au-
 tem ADOLPHUS ex periculoso hoc vulnere tam gra-
 viter laboraret, ut multi de ejus vita dubitarent, tamen
 exercitui & suis semper adesse, & salutaria illis sua con-
 silia impertire volebat. Quin & in hoc bello generosi,
 celsiq; animi sui lenitatem & mansuetudinem omnibus
 probabat: nam cum Dithmarsî, tribus millibus eorum
 cæsis, per duos sacrorum mystas & epistolam supplicem
 à principibus pacem peterent, & inter deliberandum
 in ADOLPHI prætorio consilia agerentur, utrum
 Dithmarsos bello ad excidium usq; persequi, an dediti-
 one in fidem accipere præstaret, ipse primus omnium
 in lecto æger decumbens aperte prolixè suadebat, ut
 conditiones proponerentur, quibus pacem hostibus pe-
 tentibus darent. quæ sententia, ut ardentis veræq; pieta-
 tis & clementiæ plena, ita omnibus arrisit, ut statim u-
 no quasi ore probata & accepta; Dithmarsî etiam certis
 conditionibus, vexillis scilicet & diplomatibus. IO ANNI

regi Daniæ & principibus Holsatiæ olim ablati primùm
 redditis, armis tormentisq; bellicis omnibus in unum lo-
 cum comportatis, deprecatione veterum injuriarum do-
 mui Holsaticæ & genti Cimbricæ illatarum factâ, & ho-
 magio tandem tollenni ritu præstito, in fidem à Princi-
 pibus recepti sint. Ita ADOLPHI MAGNANIMI HE-
 ROIS auspicio, Dithmarsî in regis Daniæ & principum
 Holsatiæ potestatem bello subacti & coacti pervenerunt.
 Dithmarsî; qui per quingentos circiter annos principum
 horum majoribus tot luctuosas itrages inexplebili sævi-
 tiâ intulerant, & non liberam suam libertatem pertinaci-
 simâ animorum cōstantiâ tutati fuerant: qui tot inspera-
 tas incursiones in finitimos horrendâ libidine fecerant:
 qui toties in principes Cimbricos virulentam immode-
 stæ & petulantis linguæ proterviam effuderant: qui ob
 fortunæ secundos successus inflati ita etiam insolescere
 & ferocire cœperant, ut cæcâ persuasione occæcati & in-
 secti se invictos esse crederent, & regionem suam tam
 insigniter, & ab ipsâ naturâ & operibus munitam nullis
 viribus aut stratagematis subigi posse confiderent. illi,
 illi inquam, unius mensis circuitu debellati, fusi, victi, &
 ad obedientiam legitimo & clementi magistratui in per-
 petuum præstandam coacti sunt. Ita ADOLPHUS ma-
 culas à Dithmarsîs suis majorib; asperfas abolevit: ita de-
 trimentum & dedecus illis ipsis illatum resarciuit: & qui à
 nullo per tot annos vinci potuerant, vicit. Hæc ADOL-
 PHI virtus & in rebus militaribus industria toti orbi
 innotuit: in regum & principum aulis; in nobilium ar-
 cib; in civium domibus; in Musarum Academiis
 ADOLPHUS erat. omnes eum celebrare: omnes eum
 suspicere: omnes honorare. His autem feliciter per-
 petratis, se exteris quoq; non tantum quoad famam,
 sed

sed etia
 um vi
 ad Re
 xima
 cas vi
 periti
 specta
 ordin
 HO
 malus
 volen
 regiis
 dimiss
 merui
 summi
 cum c
 fortitu
 aliis e
 moq;
 illa or
 penna
 suum
 rhum
 Poeni
 pione
 eosq;
 perpe
 rint:
 etiam
 H U N
 genti
 rum e
 tem p

sed etiam quoad faciem conspiciendum insigni nobili-
 um virorum comitatu præbuit. Et cum in Angliam
 ad Reginam ELISABETHAM perveniret, ma-
 xima apud eam in existimatione ob præclaras & heroi-
 cas virtutes, & in militiâ probatam fortitudinem &
 peritiâ fuit: tantâ etiam, ut ab eadem in GARTERII
 spectabilem, multisq; regibus & principibus ornatum
 ordinem cooptatus pulcherrimum istud symbolum;
 HONI SOIT, QUI MALT PENSE,
 malus ille, qui malè cogitat, in perpetui amoris & bene-
 volentiæ testaram acceperit: & plurimis insuper aliis
 regiis muneribus ab eadem donatus regioq; comitatu
 dimissus sit. Sic etiam illud suâ virtute & gloriâ pro-
 meruit, ut magno applausu Romano-germanici imperii
 summus belli Dux electus sit, & ad vitæ finem summâ
 cum celebritate permaneret. Taceo jam quâ
 fortitudine & laude obsidioni Gothanæ & pluribus
 aliis expeditionibus decoris & fulgentibus armis ani-
 moq; heroico suspiciendus interfuerit. Quis enim
 illa omnia unâ oratione descripsit? alii papyro, alii
 pennæ reservanda. Jam si surrexerint Athenienses &
 suum Miltiadem; Spartani Lycurgum; Epirotæ Pyr-
 rhum; Trojani Hectorem; Macedones Alexandrum;
 Poeni Hannibalem; Romani Fabium Maximum, Sci-
 pionem, Julium Cæsarem: & alii alios laudaverint:
 eosq; maxima facinora commisisse, pro patriâ multa
 perpeffos, & gloriâ immortali dignos esse contende-
 rint: eos non culpabimus; tantum aberit, ut eadem
 etiam cum illis dicturi simus. Sed nos interea quoq;
 HUNC HEROEM, HUNC ADOLPHUM
 gentis Cimbricæ & domus Holsaticæ ornamen-
 tum esse, heroicis suis facinoribus animi sui virtu-
 tem palam demonstrasse, pro patriâ fortiter pugnasse,
 vulne-

vulnera perpeſſum, & alia lubrica vitę pericula ſubiſſe,
dicemus; obnixęq; rogabimus, ut pari nobiſcum mo-
deſtiã, quã ſuis, quę meriti erant, non denegavimus,
huic quoq; noſtro herõi, noſtro principi ſuas laudes non
tantum inviolatas relinquant, ſed etiam maioribus eum
hiſce digniſſimum eſſe haud invitę, verę tamen, fatean-
tur. Gręci ſuis, qui ſe fortiter in bellis pro patrię liber-
tate adſerendã geſſerant, aliisq; beneficiis patriam adſe-
cerant, ſtatuas, vel lapideas, vel æreas, eaſq; vel pau-
cas, vel plures pro beneficiorum magnitudine pone-
bant; ut æterna eorum apud poſteros exſtaret memo-
ria. certę & hic HERO S non unã ſed multis ſtatu-
is ob tot in patriam merita, ob tot inclitas, quibus fulgebat,
virtutes, honorandus eſſet: ut & poſteri hæc cogno-
ſcerent, & ad ſimilia tentanda vel perpetranda excita-
rentur. Nos quidem ob iſta merita, cū æream,
aut lapideam non poſſimus, chartaceam hanc pi-
eratis, patrię, ſubditorum, & exterorum
nomine illi ponimus:

ILLV-

ILLVSTRISSIMO
ET FORTISSIMO PRINCIPI
DN. ADOLPHO, HEREDI NORVEGIÆ,
DUCI SCHLESVICI, HOLSATIÆ, STOR-
MARIÆ ET DITHMARSIAE, COMITI IN
OLDENBURG ET DEL-
MENHORST,

OB SUMMAS ET HEROICAS
VIRTUTES, PLURIMAQUE IN
PATRIAM MERITA,

PIETATIS ASSERTORI,
JUSTITIÆ CULTORI,
LEGUM VINDICI,
PATRIÆ PROPUGNATORI,
HUIUSQUE FINIUM AMPLIFICATORI,
DOMUS HOLSATICÆ ORNAMENTO,
ROMANO-GERMANICI IMPERII SUMMO BELLI DUCI,
HEROI CIMBRICO,
ORDINIS GARTERII SOCIO,
PRINCIPI FORTISSIMO ET MAGNANIMO,

PIETAS, PATRIA, SUBDITI, EXTERI,
ÆTERNÆ MEMORIÆ CONSERVAN-
DE GRATIA PONIMUS.

Hanc tibi statuam, ADOLPHE, posuimus; papy-
raceam: æream, utinam potuissemus! nam hac quam il-
E late

la te digniorem, quis est qui audeat, aut possit inficiari?
Ex his jam, auditores, ex his, inquam, de ADOLPHI
virtutibus judicate: judicate, & eas suspicite: non enim
ista ad virtutum effigiem delineata, sed ad cribrum di-
cta & prolata: non ex conjecturarum fallacium lacunis;
sed ex limpidissimis veritatis fontibus hausta & petita.
Ex his etiam de rebus fortiter præclareq; ab eodem gestis
judicate: nam de istis quoq; non ad umbram & nebulas,
sed ad fidem & lucem omnia proposita. Neq; tantum
ex his, quæ à me dicta sunt, sed etiam ex illis, quæ vobis
nota, & ab aliis decantata, ADOLPHI laudes ponde-
rate. Et quæ non expressi, illa vos apud mentem
vestram repetite. Parcite verò, parcite, & veniam
date; si de singulis non satis concinne, non satis dextrè
dixi. Feci quod potui, quod volui, quod debui. Te
quoq; ô ADOLPHE HEROS fortis & magnanime,
te oro, ne mihi succenseas, ne me reprehendas; si hac
forsan oratione clarissimas & immortales tuas laudes
obscuravi: certè enim non volui. Voluntatem am-
plexere & mentem ingenuè enim & apertè fateor, me
amplitudine laudum tuarum, & rerum à te fortiter ge-
starum multitudine oppressum, plura dicere non potui-
se. Hic ergò subsistamus; hic finiamus. Vos ô sancta
coeli sidera, vos oro, ut hujus tanti Herôis nomen inter
vos quoq; floreat, inter vos quoq; vigeat. Te quoq;
veneranda Diva, ô FAMA, te, inquam, imploro, ut
hujus Herôis famam & gloriam nullo umquam seculo
aboleri aut mori patiaris; sed in æternum apud omnem
posteritatem in universo mundo, etiam apud Antipo-
das propalare & conservare haud subterfugias. Te
autem, ô æterne & adorande DEUS, qui Trinus in uni-
tate, & unus in Trinitate, te adoro; te submisso animi
spiritu

spiritu obsecro, ut similes Herôas in Holsticâ domo ex-
citare, Reverendissimumq; & illustrissimum Holstia-
satiæ Principem IOANNEM ADOLPHUM, hujus
ADOLPHI filium, Spiritu tuo venerando & adorando
illustrare, stabili & felici gubernatione, vegeto animo,
sanoq; corpore, & benedictione paternâ beare & mu-
nere, patriæq; & imperio diutissimè conservare, cle-
menter velis. Id ut facias, ô DEUS; te devo-
tissimis & altissimis suspiriis oro, rogo,
obsecro; ô DEUS.

F I N I S.



Handwritten text in a medieval script, likely Gothic or similar, arranged in several lines. The text is faint and difficult to decipher due to fading and the age of the parchment.

A line of text, possibly a title or a section heading, written in a larger, bolder script than the main body of text.



3292.